



**ՀՈՎՎԱՊԵՏԱԿԱՆ ՈՒՂԵՎՈՐՈՒԹՅՈՒՆ
ՎԻԵՆՆԱ, ՄՅՈՒՆԽԵՆ, ՖՐԱՆԿՖՈՒՐՏ ԵՎ ՓԱՐԻԶ**

Նորին Սրբություն **Տ. Տ. Վազգեն Ա Վեհափառ Հայրապետը** սույն թվականի ապրիլի 22-ից մինչև մայիսի 25-ը Կենտրոնական Եվրոպայի հայրապետական պատվիրակ **Տ. Մեսրոպ ծայրագույն վարդապետ Գրիգորյանի**, Ավստրիայի և Արևմտյան Գերմանիայի հայ եկեղեցական համայնքների ու Արևմտյան Եվրոպայի հայրապետական պատվիրակ **Տ. Սերովբե արքեպիսկոպոս Մանուկյանի** հրավերներով հովվապետական այցելություն տվեց Վիեննա, Մյունխեն, Ֆրանկֆուրտ և Փարիզ:

Հայոց Հայրապետին ողեկցում էին Ծիրակի հայոց թեմի առաջնորդ **Տ. Նարեկ եպիսկոպոս Ծաքարյանը** և Մայր Աթոռի միաբան ու «Էջմիածին» ամսագրի խմբագրության քարտուղար **Տ. Զատիկ արքեպ Ավետիքյանը՝** որպես գավազանակիր:

ՄԵԿՆՈՒՄ ՄՈՍԿՎԱ

Ապրիլի 20-ին, երկուշաբթի օրը, առավոտյան ժամը 8.30-ին, Վեհափառ Հայրապետը եկեղեցական թափորով առաջնորդվում է Մայր տաճար:

Ողջ միաբանությունը միախորհուրդ աղոթում է Նորին Սրբության բարի և խաղաղ ուղևորության համար:

Աղոթքից հետո Մայր Աթոռի միաբանության անունից Վեհափառ Հայ-

բապետին ուղղյալ բարի ճանապարհորդության մաղթանքի խոսք է ասում Մայր տաճարի լուսարարապետ Տ. Հուսիկ արքեպ. Սանթրոյանը:

Երևանի «Զվարթնոց» օդակայանում Վեհափառ Հայրապետին բարի ճանապարհ են մաղթում Մայր Աթոռի միաբանությունը՝ գլխավորությամբ Տ. Սիոն արքեպ. Մանուկյանի, Արարատյան հայրապետական թեմի առաջնորդական փոխանորդ Տ. Արսեն եպս. Բերբերյանը և Գերագույն հոգևոր խորհրդի անդամները, նաև մայրավանքի պաշտոնեությունը:

Օդակայանում Վեհափառ Հայրապետին բարի ճանապարհ է մաղթում նաև Հայկական ՍՍՀ Մինիստրների խորհրդին առընթեր Հայ Եկեղեցու գործերի խորհրդի նախագահ տիար Ռ. Պարսամյանը:

ԺԱՄԱՆՈՒՄ ՄՈՍԿՎԱ

Երկու և կես ժամ տևող թոփշքից հետո օդանավը վայրէջք է կատարում Մոսկվայի Վնուկովոյի օդակայանում:

Վեհափառ Հայրապետին դիմավորելու համար օդակայան էին եկել Նոր Նախիջևանի և Ռուսաստանի հայոց թեմի առաջնորդական տեղապահ Տ. Տիրան վրդ. Կյուրեղյանը և ՍՍՀՄ Մինիստրների խորհրդին առընթեր կրոնական պաշտամունքների խորհրդի ներկայացուցիչ տիար Էդվարդ Գալստյանը:

Այնուհետև Վեհափառ Հայրապետը առաջնորդվում է Մոսկվայի «Սովետական» հյուրանոց, որտեղ երկու օր մնալուց հետո, մեկնում է Վիեննա:

ԺԱՄԱՆՈՒՄ ՎԻԵՆՆԱ

Ապրիլի 22-ին, չորեքշաբթի օրը, առավոտյան ժամը 10.30-ին, Վեհափառ Հայրապետը Իր շքախմբով Մոսկվայի «Շերեմետևո—2» օդակայանից մեկնում է Վիեննա, ուր խանդավառ մթնոլորտում դիմավորում և բարի գալուստ են մաղթում Ավստրիայի Արքեպիսկոպոս, կարդինալ Ֆրանց Քյունցզը, Կենտրոնական Եվրոպայի հայրապետական պատվիրակ Տ. Մեսրոպ ծ. վրդ. Գրիգորյանը, Վիեննայի հայոց Ս. Հռիփսիմե եկեղեցու հոգևոր հովիվ Տ. Արել արք. Օղլուգյանը, Վիեննայի հայ եկեղեցական վարչության ատենապետ Աստիկ Աստվածատուրյանը, հայկական միությունների ներկայացուցիչները և բազմաթիվ վիեննաբնակ հայեր:

Վեհափառ Հայրապետին դիմավորելու էին եկել նաև Վիեննայի Մխիթարյան միաբանության հայերը՝ ի գլուխ աքբահայր հայր Գրիգորիս Մանյանի:

Օդակայանի պատվո հյուրերի ընդունելության սրահում ողջույնի և բարիգալստյան խոսքերի փոխանակումից հետո Վեհափառ Հայրապետը մեքենաների շարապնով առաջնորդվում է Վիեննայի «Իմպերիալ» հյուրանոց:

«ՊՐՈ ՕՐԻԵՆՏԵ»-Ի ՀԱՆԴԻՍՈՒԹՅՈՒՆԸ՝

Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ

Նույն օրը, երեկոյան ժամը 19-ին, Ավստրիայի Արքեպիսկոպոս Նորին Գերագանցություն կարդինալ Ֆրանց Քյունցզը, ի պատիվ Ամենայն Հայոց



«ՊՐՈ ՕՐԻԵՆՏ»-Ի ՀԱՆԳԻՍՈՒԹՅՈՒՆ. ՎԻԵՆԱ.

Վեհափառ Հայրապետի, «Պալավիչի» պալատում կազմակերպում է ջերմ ընդունելություն՝ կաթոլիկ Եկեղեցու «Պրո Օրիենտե» Հաստատության հետ:

Ընդունելությանը ներկա էին «Պրո Օրիենտե»-ի նախագահ դոկտ. Թեոդոր Փիֆֆլը Պերչևիչը, «Պրո Օրիենտե» կազմակերպության բազմաթիվ հոգևորական և աշխարհական անդամները, Վիեննայի կաթոլիկական Ս. Ստեփանոս Մայր տաճարի վանահայր Ֆրանց Յախիմ արքեպիսկոպոսը, Վալտիկանի արտաքին հարաբերությունների քարտուղարության ներկայացուցիչ հայր Ժան Դոփրենը, Բենթթերիի Արքեպիսկոպոսարանի արտաքին հարաբերությունների դիվանապետ հայր Մայքլ Մուրը, Վիեննայի Մխիթարյան միաբանության արքահայր հայր Գրիգորիս Մանյանը, Վիեննայում Ռուս Օրթոդոքս Եկեղեցու ներկայացուցիչ Իրենեյ արքեպիսկոպոսը, Սերբ Օրթոդոքս Եկեղեցու Դրագո Գովեդարիչա քահանան, Ռումին Օրթոդոքս Եկեղեցու ավագերեց դոկտ. Մարին Բրանիշթեն, Բուլղար Օրթոդոքս Եկեղեցու ավագերեց պրոֆ., դոկտ. Նիկոլայ Շիվարովը, Ղպտի Եկեղեցու երեց Հովհաննես Էլ-Բարամուսին, Սիրիական Եկեղեցու երեց Այդին Էմանուել Այդինը, Ավստրիայի կրթական և մշակութային միևնույնության տնօրեն դոկտ. Կառլ Անդեյը, Ավստրիայում Սովետական Միության դեսպանատան քարտուղար Ալյաքսը, Վիեննայի համալսարանի Արևելյան Եկեղեցիների աստվածաբանության պրոֆեսոր, դոկտ. Քրիստոֆ Սուրթները, Վիեննայի Ազգագրական թանգարանի տնօրեն պրոֆ., դոկտ. Հանզ Մանդորֆը, ավստրիացի և օտար բազմաթիվ մտավորականներ, Ավստրիայի հեռուստատեսության, ռադիոյի և մի շարք կարևորագույն թերթերի խմբագիրներ ու թղթակիցներ և մեծ թվով հայ համայնքի ներկայացուցիչներ:

Ընդունելությունը ներածական խոսքով քաց է անում «Պրո Օրիենտե»-ի նախագահ դոկտ. Փիֆֆլը Պերչևիչը, որը հարգալից խոսքերով ողջունում է Հայոց Հայրապետի այցելությունը Վիեննա:

«Ավստրիա հայ գաղութի մասին» գերմաներեն լեզվով բովանդակալից հետևյալ զեկուցումն է կարդում Տ. Մեսրոպ Ծ. վրդ. Գրիգորյանը:

ՀԱՅԵՐԸ ԱՎՍՏՐԻԱՅՈՒՄ

«Ավստրիայում հայերը առաջին անգամ հաստատվել են 17-րդ դարում: Մեծ մասամբ դրանք վաճառականներ էին: Սկզբնական շրջանին Վիեննայի հայ համայնքը շատ փոքր էր, բայց ժամանակի ընթացքին այն աճեց և բազմացավ: Հայ համայնքի գերակշռող մասը պատկանում էր Հայ Առաքելական Եկեղեցուն: Հետագայում կարևոր փոփոխություններ կատարվեցին նաև նրանց մասնագիտության ասպարեզում: Եթե հայերը սկզբում առավելապես վաճառականներ էին, այսօր սակայն նրանց կարելի է հանդիպել տարբեր մասնագիտություններում՝ իբրև գործարանի բանվորներ, իբրև գորգի և տեքստիլ վաճառատների սեփականատերեր, իբրև բժիշկներ, ինժեներներ, ճարտարապետներ և արվեստագետներ: Ներկայիս Ավստրիայում ապրում են 1000 հայեր, հիմնականում Վիեննայում:

ԱՌԱՋԻՆ ՀԱՅԵՐԸ ՎԻԵՆՆԱՅՈՒՄ

Առաջին հայերը Ավստրիա եկան քաղաքական պատճառներով և միայն կարճ ժամանակով իջևանեցին Վիեննայում, որպես պաշտոնական ներկայացուցիչներ և գործիչներ Հայաստանի ազգային-ազատագրական շարժման:

1045 թվականին հագրատունիների մայրաքաղաք Անին գրավեց նախ բյուզանդացիներից և ապա սելջուկներից: Այդ շրջանին սկսվեց մասսայական գաղթը Հայաստանից: Հայ ժողովուրդը փնտրում էր ապահովություն և խաղաղություն օտար երկրներում: Այս արտագաղթը առավել ևս ուժեղացավ 1375 թ., Կիլիկիայի հայ իշխանության անկումից հետո: Որոշ գաղթականներ Ռուսաստանի վրայով անցան Լեհաստան, Հունգարիա, Ռումինիա, Բուլղարիա, մինչև Հունաստան: Իսկ ուրիշներ, դարձյալ Բյուզանդիայով (հետագային Օսմանյան կայսրություն)՝ դեպի Բուլղարիա, Ռումինիա, Հունգարիա, Ավստրիա, ընդ որում Բուլղարիայի, Ռումինիայի, Հարավսլավիայի գաղթականները հիմնականում նույնպես առևտրականներ էին:

Հայ համայնքի նշանակության նվազեցումը, հավանաբար, պետք է համարել հետևանքը ժամանակի քաղաքական փոխված պայմանների:

Մինչ կայսրուհի Մարիա Թերեզայի օրով Վիեննայում հայ համայնքը կորցրել էր իր քաղաքական և նյութական նշանակությունը, սակայն հայ համայնքը վայելում էր Սուլավայում բարեկամությունը Ժոզեֆ Բ կայսրի (1765—80—1790): 1774—1775 թթ. Սուլավայում կար 120 բնտանիք հայ առաքելական համայնք, կենտրոն ունենալով Սուլավա քաղաքը: Մոլդավական իշխանների կողմից հայերը վայելում էին անհրաժեշտ բոլոր առանձնաշնորհները: Նրանք ունեին չորս եկեղեցիներ, երկու քահանա և մեկ դպրոց: Կենտրոնական զինվորական հրամանատարությունը 1781 թ. հուլիսի 18-ի հրովարտակով Բուկովիայի ժամանակավոր իշխանությանը հաղորդում էր, որ այն հայ բնտանիքները, «որոնք չեն պատկանում ոչ հույն եկեղեցուն և ոչ էլ հայ կաթոլիկներ են, պետք է ազատ կացուցվեն հօգուտ իրենց կրոնի պահպանության»:

Հաջորդ տարվա աշնանը Ժոզեֆ Բ կայսրը եկավ Բուկովինա և անձամբ այցելեց Սուլավայի հայ եկեղեցական համայնքը, որից հետո 1783 թ. հունիսի 19-ին Քցեռնովիում իր իսկ ձեռքով շարադրած գրությամբ կարգադրեց.

«Հայ համայնքը այստեղ, որի ժամասացությանը ևս անձամբ ներկա եղա, քիչ տարբերությամբ նույնն է մնացել բոլոր կաթոլիկ հայերի ժամասացության հետ: Արդ, դադարեցնել բոլոր տեսակի կրոնական հետաքննությունները և չխանգարել նրանց կեցությանը, նիստ ու կացին: Նաև պետք է ձգտել, որ ավելի շատ նման մարդիկ այս կողմերը քերվեն»: Կայսերական այս գրության բովանդակությունը հաստատվում է 1783 թ. հուլիսի 4-ի Արքունի ռազմական խորհրդի հրովարտակով: Որով հայ առաքելական եկեղեցական համայնքը օրինապես ճանաչվում է ո՛չ միայն Բուկովինայի տարածքում, այլև ամբողջ կայսրության մեջ: Հավելյալ կերպով 1972 թ. դեկտեմբերի 12-ին պաշտոնապես հայտարարվեց հայ առաքելական եկեղեցական համայնքի անդամների ճանաչումը, իբրև կրոնական հասարակություն, Ավստրիայի «Առաքելական եկեղեցի» անվան տակ:

ՀԱՅԵՐԸ ՎԻԵՆՆԱՅՈՒՄ 19-ՐԴ ԴԱՐՈՒՄ

ԺԹ դարում Վիեննայում և շրջակայքում ապրում էին շուրջ 100 հայեր: Սա մի փոքր թիվ էր, բայց նրանցից ոմանք զբաղեցնում էին բարձր պաշտոններ: 1886 թ. երբ Համբուրգում Երեմյանը աչքի փրահատման համար Վիեննա եկավ, հանդիպեց Կարսուկեո Գույումճյանին, որը պրոֆեսոր էր Վիեննայի համալսարանում «գրաբար» և արաբերեն լեզվի: Այնուհետև նա

ծանոթանում է գորգի վաճառական Զադիկ Պոպովիցին և ծագումով հայ Պարսկաստանի դեսպան Ներսիսյան Խանին: Մինչև 1968 թ. Բաստայում ապրում էր Պոպովիցի տղան՝ սպասքի մեծ վաճառական Վալերյան:

ԺԹ դարի կեսին Վիեննայում հաստատվում են երկու հայեր՝ Բյուզանդ Մանաս և Կարապետ Արթին Դավոդ փաշան (Դավոդյան): Ստամբուլից եկած վաճառական Բյուզանդ Մանասը մշակակվում է 1846 թ. մայիսի 10—11-ին Օսմանյան սուլթանի գլխավոր հյուպատոս: Վերջինիս մահից հետո, 1856 թ. ապրիլի սկզբներին, Վիեննա է գալիս նոր գլխավոր հյուպատոսը՝ Դավոդ փաշան: Նա կաթոլիկ հայ էր՝ ծնված 1816 թ. Ստամբուլում, կրթությունը ստացել էր Բեռլինում: Սկզբում նա աշխատել էր Օսմանյան կայսրության արտաքին գործերի մինիստրությունում, որից հետո՝ Բեռլինում, իբրև գործավար թուրքական դեսպանատանը: 1861 թ. հունիսին լիբանանյան քաղաքացիական կոիվների ավարտին Դավոդյանը մշակակվում է առաջին գլխավոր մահաճապետ լեռնային Լիբանանի: Նա շարունակում է իր այս պաշտոնը մինչև 1868 թ. (Տես Մ. Գ. Գրիգորյան, «Նոր արխիվային փաստաթղթեր Կարապետ Արթին Դավոդյանի» լեռնային Լիբանանի առաջին գլխավոր մահաճապետի մասին», «Հանդես ամսօրյա», 1968, էջ 229—42):

Կ. Պոլսի հայոց Ներսես Վարժապետյան պատրիարքի օրով (1874—84) Ավստրիայում Բարձր Դուռն անդամացուցչի միջնորդությամբ ծրագրեր են մշակվում Վիեննայում հայկական եկեղեցու կառուցման համար: Այս ջանքերը մնում են սակայն ապարդյուն: 1896 թ. դեկտեմբերի 10-ին տասնինն հոգուց բաղկացած մի խումբ հայեր կրկին դիմում են Ստորին Ավստրիայի (Նիդոնստերայիս) կառավարությանը՝ ստանալու համար նրա համաձայնությունը անկախ եկեղեցական հայ համայնք կազմելու, որպես տեղական մասնաճյուղ Սուլթանի հայ առաքելական համայնքի: Այս ձեռնարկը ևս մնում է անարդյունք:

Հետաքրքիր է իմանալ, թե հայերը որտեղ էին իրենց ժամերգությունները և այլ կրոնական արարողություններ կատարում: Դեռևս մեր դարաշրջանի սկզբին որոշ հայեր մկրտվում կամ ամուսնանում էին հույն ուղղափառ եկեղեցում: Ժամանակ առ ժամանակ, սակայն, ծիսակատարություններ էին կատարում նաև Սուլթանից եկած հայ հոգևորականները:

ՀԱՅ ԱՌԱՋԻՆ ՄԱՏՈՒՈՐ ՎԻԵՆՆԱՅՈՒՄ

Հաջորդող 10—15 տարիներին Վիեննայի հայ գաղութը ցանկանում էր անպայման ունենալ իր աղոթատեղին: 1912 թ. շուրջ 50 հայեր համախմբվեցին, գլխավորությամբ Արիստակես քհն. Ֆեայանի, և հիմնեցին իրենց մատուռը Դոմինկանը Բաստա Ձև 10 տան վերնահարկում: Այդ բնակարանը պատկանելիս է եղել երեք հայերի, որոնք այնտեղ միասնաբար դեկավարում էին գորգի մի վաճառատուն: Մատուռն պաշտոնական բացումը կատարվում է 1913 թ. հունվարի 19-ին «Ար. Փրկիչ» անվան տակ:

Մինչև օրս մենք ծանոթ էինք մատուռն որոշ հիմնադիրների անուններին միայն: Վերջերս, սակայն, 1981 թ. հունվարին, պատահականորեն Վիեննայի եկեղեցական արխիվում գտա շատ հետաքրքիր մի փաստաթուղթ, որը կարելի է կոչել ծննդյան վկայական Ար. Փրկիչ մատուռի: Մի փաստաթուղթ է դա, ուր 48 հիմնադիրները արձանագրել են իրենց անունները, այդ թվում նաև՝ Ֆեայան քահանան:

Փաստաթղթի բովանդակությունը հետևյալն է.

«Հուշամատյան Սր. Փրկիչ մատուան հիմնադիրների, Վիեննա, 1912 թ.:
Ենթահիվ արժանապատիվ տեր Արիստակես քահանա Ֆեսլյանի ջանքերի և ստորև արձանագրված հայերի բարեպաշտության և նյութական օգնության, հիմնվեց 1912 թ. դեկտեմբերին Դոմինկանբրաստա № 10 տան վերնահարկում, Վիեննա առաջին մաս, Սր. Փրկիչ անվան մատուոր»:
Մատուան առաջին 12 նվիրատուները եղել են.

1. Արմենակ Ասլանյան
2. Երվանդ Զադեյան
3. Տիգրան Փափազյան
4. Գևորգ Աբրահամյան
5. Մակսուդ Հուսենջյան
6. Կարապետ Բոլայան
7. Միհրան Կարապետյան
8. Սեդրակ Տեր-Մաթևոսյան
9. Արիստակես քհն. Ֆեսլյան
10. Տիգրան Աղաջանյան
11. Գեղամ Ամատունի
12. Էդվարդ Կարապետյան:

Ֆեսլյան քահանան ցուցաբերում է ոչ միայն բարոյական օգնություն, այլև իր հետ բերում է Սուշավայից բազում եկեղեցական սպասքներ, որոնք մինչև այսօր գործածության մեջ են: Ֆեսլյան քահանայի մահից հետո, երբ Արևելյան Եվրոպայի թեմերը դրվեցին Էջմիածնի կաթողիկոսության իրավասության տակ, հաջորդաբար հոգևորականները գալիս էին Ս. Էջմիածնից: Այդ հոգևոր հովիվներից մեկը, որը կարճ ժամանակով մնաց Վիեննայում, եկեղեցական իրավագետ Արսեն եպիսկոպոս Ղլտչյանն էր: 1928 թ. Ռումինիայից Վիեննա եկավ Եղիշե քահանա Ութուջյանը, որը կնոջ մահից հետո վերադարձվեց և դարձավ վարդապետ: 30 տարիներ շարունակ նա հովվեց Վիեննայի հայ համայնքը: 1959—61 թթ. Մեսրոպ վրդ. Գրիգորյանը հյուրաբար հովվում է Վիեննայի հայ համայնքը, իսկ 1962 թ.՝ նշանակվում որպես մշտական հովիվ:

1920 թ. հետո հայերը կրկին գալիս են Ավստրիայի զանազան երկրներից, և սր. մատուան շուրջ սկսում է կազմակերպվել համայնքային կյանքը: Նորին Սրբություն Ամենայն Հայոց կաթողիկոս Վազգեն Ա-ը 1957 թ. տնօրինում է, որ Տ. Եղիշե քահանա Ութուջյանը պաշտոնապես ստանձնի նաև Արևմտյան Գերմանիայի հայերի հոգևոր հովվության գործը: Որով և ստեղծվում է Ավստրիայի և Գերմանիայի անկախ հովվությունը: Սկզբում Վիեննան գտնվում էր Արևմտյան Եվրոպայի թեմի՝ Փարիզի Հայրապետական պատվիրակի իրավասության տակ:

1971 թ. Գերմանիան կրկին միանում է Արևմտյան Եվրոպայի Փարիզի Հայրապետական պատվիրակությանը, մինչև Ավստրիայի հոգևոր հովվությունը շարունակում է մնալ անկախ: 1980 թ. հունվարի 2-ին Նորին Սրբություն Վազգեն Ա. Հայրապետը Իր հմր. 994 կոնդակով հաստատում է Կենտրոնական Եվրոպայի նոր թեմը, որի կազմում են մտնում Գերմանիան, Ավստրիան և Եվեդիան: Վիեննայի Հոգևոր Հովիվն շնորհվում է Հայրապետական Պատվիրակի տիտղոսը:

Այս նշանակում է, որ նա ներկայացուցիչն է Նորին Սրբության, առանց համայնքից ընտրված լինելու:

1962 թ. սկզբին Մեսրոպ վարդապետ Գրիգորյանը հաստատվում է Վիեննայում իբրև հոգևոր հովիվ: Հայ համայնքի հարյուրամյա ցանկությունն է եղել ունենալ սեփական եկեղեցի: Այդ նպատակի համար կազմվում է եկեղեցու կառուցման միությունը՝ գլխավորությամբ ատենապետ Սարգիս Կարապետյանի և մոր Հոգևոր Հովվի:

1964 թ. մարտի 5-ին գնվում է Վիեննայի 3-րդ թաղամասում, Քոլոմիցշասեն 11 համարի տունը իր պատկան հողամասով: Ծրագրված էր բակում եկեղեցի կառուցել: Այդ շրջանին Վիեննա է այցելում Լոնդոնից տիկին Ռոզե Թրիքին (Հոփսիսմե Հալաջյան), Ջմյունոփայում ծնված մի հայուհի, և կատարում է ի հիշատակ իր հանգուցյալ ծնողների՝ Փիլիպպոս և Ոսկի Հալաջյանների եկեղեցի կառուցելու առատաձեռն առաջարկը: 1964 թ. հունիսի 28-ին կատարվում է Վիեննայի հայոց եկեղեցու հիմնարկեքը, որին անձնապես ներկա է լինում նաև թիկին Թրիքին: Հիշատակի համար հիմքի տակ զետեղվում է հայերեն և գերմաներեն լեզուներով գրված մի մագաղաթյա վկայական: Եկեղեցին կառուցվում է ի Հայրապետության Նորին Սրբություն S. S. Վազգեն Ա Ամենայն Հայոց կաթողիկոսի և ի հոգևոր հովվության Մեսրոպ վարդապետ Գրիգորյանի:

Այդ օրերին, պատահականորեն, հյուրաբար Վիեննայում էր գտնվում Երևանից եկած ճարտարապետների մի խումբ: Դրանցից մեկը՝ ճարտարապետ Էդվարդ Սարաֆյանը, պատրաստակամություն է հայտնում պատրաստելու եկեղեցու նախագիծը: Կարճ ժամանակ անց պատրաստի նախագիծը Վեհափառ Հայրապետի կողմից ուղարկվում է եկեղեցական համայնքին: Նախագծի համաձայն, եկեղեցու կառուցման աշխատանքը հանձնվում է ավստրիացի ինժեներ Վալտեր Դյուրշմիդին: Վիեննայի համայնքի և սիյունքի շատ հայեր նվիրատվություններով մասնակցում են եկեղեցու կառուցման գործին: Եկեղեցու կառուցման գործում մեծ է Նորին Սրբություն Վազգեն Ա կաթողիկոսի ցուցաբերած բարոյական և նյութական օգնությունը: Վիեննայի Հայոց Սբ. Հոփսիսմե եկեղեցու հանդիսավոր օծումը կատարում է Ամենայն Հայոց Վեհափառ Հայրապետը 1968 թ. ապրիլ 21-ին՝ ներկայությամբ Հայ Եկեղեցու բազում, ինչպես նաև Ավստրիայի պետական և եկեղեցական բարձր ներկայացուցիչների:

Ներկայիս Ավստրիայում, գլխավորապես Վիեննայում ապրում են շուրջ 1000 հայեր, որոնցից հիսուն համալսարանական ուսանողներ եկել են Մերձավոր Արևելքի զանազան երկրներից: 1962 թ. երբ ես հաստատվեցի Վիեննայում, հայ համայնքը բաղկացած էր շուրջ 350 անդամներից: Տնտեսական վերելքի ընթացքին շատ հայեր եկան Վիեննա: Լիբանանյան քաղաքացիական պատերազմից հետո, 1975 թ., Վիեննա ներգաղթեցին բազում հայեր, գերակշռող մասը՝ երիտասարդներ, իսկ հետագային նաև Պարսկաստանից՝ դարձյալ երիտասարդներ և ամբողջ ընտանիքներ, որոնք Ավստրիայում գտան խաղաղություն և ապահովություն:

Հայ առաքելական եկեղեցական համայնքից բացի, որը 1972 թ. դեկտեմբերին կրթական մինիստրության կողմից կրկին ճանաչվեց իբրև անկախ կրոնական համայնք, գոյություն ունեն Վիեննայում հետևյալ կազմակերպությունները.

1. Հայկական Բարեգործական Միություն, 1960 թ.:
2. Հայ Ուսանողական Միություն՝ հիմնադրված վերստին 1960 թ.:
3. Ավստրիո-Հայկական Մշակութային Միություն՝ հիմնված 1975 թ.

հայ-ափսորիական մշակութային կապերը խորացնելու և զարգացնելու համար:

ՀԱՅ ԵԿԵՂԵՑԻՆ ԵՎ ԷԿՈՒՄԵՆԻԿ ԾԱՐԺՈՒՄԸ ԱՎԱՏՐԻԱՅՈՒՄ

Հայ Եկեղեցին ցրված է այսօր ամբողջ աշխարհով մեկ: Բնակամարտ հայերը փորձում են հյուրընկալող երկրներում շինել միայն չեզոք քաղաքացիներ, այլև բարեկամական հարաբերություններ են մշակում ժողովրդի կամ ժողովուրդների, եկեղեցու կամ եկեղեցիների հետ: Հայ Առաքելական Եկեղեցին էլ ակտիվորեն մասնակցում է Վիեննայում բոլոր էկումենիկ շարժումներին և ժողովական ձեռնարկներին: Իբրև անդամ Եկեղեցիների Համաշխարհային Խորհրդի Հայ Եկեղեցին սերտ հարաբերությունների մեջ է երկրի ոչ կաթոլիկ եկեղեցիների հետ, իսկ «Պրո Օրիենտե»-ի հիմնադրումից հետո նա նույնքան ջերմ հարաբերությունների մեջ է Հռոմեական Կաթոլիկ Եկեղեցու հետ: Այն չորս ճիստերը՝ 1971 թ., 1973 թ., 1976 և 1978 թթ., որոնք կայացան Վիեննայում հիմնարկական և հոռոմեական կաթոլիկ աստվածաբանների միջև, ունեն մնայուն արժեք և նշանակություն, էկումենիկ հարաբերությունների մեր օրերի պատմության համար»:

«Հայ Եկեղեցու մասին» հմտալից զեկուցումով հանդես է գալիս նաև համալսարանի Արևելյան Եկեղեցիների աստվածաբանության պրոֆեսոր, դոկտ. Քրիստոֆ Սուրթները:

Այնուհետև, խոսք առնելով, կարդիմալ Ֆրանց Քյունիգը հայտնում է իր մեծ ուրախությունը, որ Հայոց Հայրապետը, այցելելով Վիեննա, ընդունեց նաև իր հրավերը՝ նախագահելու համար «Պրո Օրիենտե»-ի հանդիսավոր այս ճիստը:

Հարգարժան կարդիմալը անդրադառնում է նաև Հայ և Հռոմեական Կաթոլիկ Եկեղեցիների սիրալիր հարաբերություններին և հույս հայտնում, որ հետագայում այդ հարաբերությունները էլ ավելի կզարգանան էկումենիկ ոգով:

Հանդիսության վերջում գերմաներեն լեզվով օրհնության և ողջույնի Իր խոսքն է ասում Հայոց Հայրապետը:

Հայոց Հայրապետի ելույթը տպագրվել է «Էջմիածին» ամսագրի սույն համարում, էջ 12:

Վեհափառ Հայրապետի Վիեննա այցելությունը նույն և հաջորդ օրերին լայնորեն արձագանքում են Վիեննայի հեռուստատեսությունը, ռադիոն և մի շարք տեղական կարևորագույն թերթեր:

ԱՅՑԵԼՈՒԹՅՈՒՆ ԱՎԱՏՐԻԱՅԻ ՀԱՆՐԱՊԵՏՈՒԹՅԱՆ ՆԱԽԱԳԱՀԻՆ

Ապրիլի 23-ին, հինգշաբթի օրը, ժամը 11-ին, Վեհափառ Հայրապետը պաշտոնական այցելություն է տալիս Ափսորիայի Հանրապետության նախագահ դոկտ. Ռուդոլֆ Քիրխշելերին:

Վեհափառ Հայրապետի և մեծարգո նախագահի միջև տեղի է ունենում մեկժամյա ջերմ և բարեկամական զրույց, որի ընթացքում պրն. նախագահը հետաքրքրվում է հայ ժողովրդի և Հայ Եկեղեցու աճցյալի և ներկայի պատմությամբ:

Վերջում Վեհափառ Հայրապետի և հանրապետության նախագահի միջև փոխանակվում են հուշանվերներ:

Այս առթիվ Վեհափառ Հայրապետին ուղեկցում էին Ս. Նարեկ եպս. Ծաքարյանը, Ս. Մեսրոպ ծ. վրդ. Գրիգորյանը, Ս. Զատիկ աթղ. Ավետիքյանը, Ս. Աթել աթղ. Օղյուզյանը և Վիեննայի հայ եկեղեցական վարչության ատենապետ պրն. Աստիկ Աստվածատուրյանը:

ԸՆԴՈՒՆԵԼՈՒԹՅՈՒՆ ՎԻԵՆՆԱՅԻ ԱՐՔԵՊԻՍԿՈՊՈՍԱՐԱՆՈՒՄ

Նույն օրը, ժամը 13-ին, Վիեննայի Արքեպիսկոպոս կարդինալ Ֆրանց Բյոնիգը իր Արքեպիսկոպոսարանում կազմակերպել էր ճաշկերույթ՝ ի պատիվ Ամենայն Հայոց Վեհափառ Հայրապետի:

Ծաշկերույթի ընթացքում Վեհափառ Հայրապետի և կարդինալ Ֆրանց Բյոնիգի միջև փոխանակվեցին ողջույնի և բարիգալստյան ճառեր ու հուշանվերներ:

Ծաշկերույթին, Վեհափառ Հայրապետի ջբախմբից բացի, ներկա էին նաև Վիեննայի Ս. Ստեփանոս Մայր տաճարի վանահայր Յախիմ արքեպիսկոպոսը, «Պրո Օրիենտե»-ի նախագահ դոկտ. Փիֆֆըլ Պերչևիչը, Վիեննայի համալսարանի դասախոս, պրոֆ., դոկտ. Բրիստոֆ Սուտոնեյրը և այլ հոգևորականներ:

Ծաշկերույթն անցնում է քրիստոսավանդ սիրո ջերմ մթնոլորտում:

*
* *

Նույն օրը, երեկոյան ժամը 18-ին, Վեհափառ Հայրապետը հյուրանոցի իր հարկաբաժնում ընդունում է այցելությունը Վիեննայի հայ եկեղեցական վարչության անդամների՝ գլխավորությամբ վարչության ատենապետ Աստիկ Աստվածատուրյանի:

Նորին Սրբությունը, իր օրհնությունը բաշխելով բոլորին, մաղթում է, որ նրանք շարունակեն նվիրումով ծառայել իրենց Եկեղեցուն և ժողովրդին:

ԱՅՑԵԼՈՒԹՅՈՒՆ ՎԻԵՆՆԱՅԻ ՄԽԻԹԱՐՅԱՆ ՎԱՆՔ

Ժամը 19.30-ին Վեհափառ Հայրապետը, ընդառաջելով Վիեննայի Մխիթարյան միաբանության արքահայր հայր Գրիգորիա Մանյանի հրավերին, այցելում է վանք՝ տալու համար իր օրհնությունը պատմական այդ Հաստատության ժառանգորդներին: Վանքի մատրան մեջ կատարվող երեկոյան աղոթքից հետո վանքի միաբանական սեղանատանը, ի պատիվ Հայոց Հայրապետի, տրվում է ընթրիք, որին ներկա են լինում նաև բազմաթիվ հրավիրյալներ:

Ընթրիքին ներկա էր նաև կարդինալ Ֆրանց Բյոնիգը:

Ընթրիքի ժամանակ փոխանակվում են ողջույնի խոսքեր, և գործադրվում է գեղարվեստական հայտագիր:

ԸՆԴՈՒՆԵԼՈՒԹՅՈՒՆ ԱՐՏԱՔԻՆ ԳՈՐԾԵՐԻ ՄԻՆԻՍՏՐՈՒԹՅՈՒՆՈՒՄ

Ապրիլի 24-ին, ուրբաթ օրը, կեսօրվա ժամը 13-ին, Ավստրիայի արտաքին գործերի մինիստր դոկտ. Վիլլեբադ Փահրը կազմակերպել էր ընդունելություն և ճաշկերույթ՝ ի պատիվ Ամենայն Հայոց Վեհափառ Հայրապետի:

Ընդունելության ընթացքում Նորին Սրբության և արտաքին գործերի պարոն մինիստրի միջև փոխանակվում են ողջույնի և բարիգալատյան մաներ և հուշանվերներ:

Ընդունելությանը ներկա էին նաև վարչապետարանի մի շարք աշխատակիցներ, ինչպես նաև կարդինալ Ֆրանց Քյոնիգը, Տ. Նարեկ եպս. Ծաքարյանը, Մեսրոպ ծ. վրդ. Գրիգորյանը, Տ. Զատիկ արք. Ավետիքյանը և ուրիշներ՝ շուրջ 14 հոգի:

Ընդունելությունն անցնում է շատ ջերմ մթնոլորտում:

ԱՊՐԻԼՅԱՆ ԵՂԵՌՆԻ 66-ՐԴ ՏԱՐԵԼԻՑԻ ԱՌԹԻՎ ՀԻՇՍԱՍԿԻ ՈԳԵԿՈՉՈՒՄ

Երեկոյան ժամը 18-ին Վիեննայի հայոց Ս. Հովհաննես եկեղեցում Վեհափառ Հայրապետի նախագահությամբ կատարվում է հոգեհանգստյան մասնավոր պաշտոն՝ 1915 թվականի Ապրիլյան եղեռնի շուրջ երկու միլիոն հայ նահատակների հիշատակին:

Ժամը 19-ին Վիեննայի «Փրելաթըն Զաալ»-ի հանդիսությանը սրահում, Վեհափառ Հայրապետի նախագահությամբ, տեղի է ունենում Ապրիլյան եղեռնի նահատակների հիշատակին նվիրված հուշահանդես:

Հանդիսությանը ներկա են լինում նաև ավստրիացի քաղաքային հյուրեր:

Երեկոյթի բացմանը հայերեն և գերմաներեն հուզիչ խոսքերով հանդես են գալիս Տ. Մեսրոպ ծ. վրդ. Գրիգորյանը և Վիեննայի եկեղեցական վարչության ատենապետ պրն. Աստիկ Աստվածատուրյանը:

«Աշխարհի ժողովուրդների պայքարը ցեղասպանության դեմ» իրավաբանական վերլուծական բովանդակալից գեկուցումով հանդես է գալիս Ավստրիայի ազգային խորհրդարանի երեսփոխան պրոֆ., դոկտ. Ֆելիքս Էրմաքորան:

Երեկոյի ընթացքում գործադրության է դրվում նաև գեղարվեստական կոկիկ մի ծրագիր: Դաշնակահար Ավո Գոյումջյանը կատարում է Կոմիտաս վարդապետի «Գարուն ա» և «Ծիրանի ծառ» ստեղծագործությունները: Ինքնակի Հարություն-Թամրազյանը արտասանում է Հովհ. Թումանյանի «Հոգեհանգիստ» բանաստեղծությունը, իսկ «Ի վերին Երուսաղեմ» հոգեհանգստյան շարականի երգեցողությամբ հանդես է գալիս Արերտ Խաչևսարյանը:

Գեղարվեստական քաժնի ավարտին ելույթ է ունենում ավստրիացի ասմունքի ծանոթ վարպետ պրոֆ. Գերհարդը և կատարում Սիամանթոյի «Պարը», Սիլվա Կապուտիկյանի «Մայրենի լեզու» բնաստեղծությունները գերմաներեն թարգմանությամբ և հատվածներ Ֆրանց Վերֆելի «Մուսա լեռան քառասուն օրերը» վեպից: Ազո հանդեսը եզրափակվում է Հայոց Հայրապետի ելույթով (Տես «Էջմիածին» ամսագրի սույն համարը, էջ 16):

ԱՅՑԵԼՈՒԹՅՈՒՆ ՔԼՈՍԵՆՐՆՈՅԲՈՒՐԳԻ ՎԱՆՔ

Ապրիլի 25-ին, շաբաթ օրը, առավոտյան ժամը 11-ին, Վեհափառ Հայրապետը, ողնկցությամբ Իր շքախմբի, այցելում է Քլոստերնոյքուրգի վանք, որտեղ ջերմորեն դիմավորվում է վանքի միաբանության կողմից:

Հավարտ Մայր տաճարում էկումենիկ աղոթքի, վանքի շրջափակին և

Լեոսյուրդ իշխանի ուխտատեղիին ծանոթանալուց հետո, ժամը 12.30-ին, ի պատիվ Հայոց Հայրապետի, տրվում է ճաշկերույթ:

Սեղանի շուրջ Հայոց Հայրապետի և վանահոր միջև փոխանակվում են ողջույնի և բարիգալստյան ճառեր ու հուշանվերներ:

Ընդունելությունն անցնում է եղբայրական ջերմ մթնոլորտում:

*

* *

Նույն օրը, երեկոյան ժամը 18-ին, Վիեննայի հայոց Ս. Հռիփսիմե տաճարում, նախագահությամբ Վեհափառ Հայրապետի, կատարվում է Կիրակամոյի ժամերգություն:

**ՀԱՆԴԻՍՈՒԹՅՈՒՆ՝ ՆՎԻՐՎԱԾ Հ. Բ. Ը. ՄԻՈՒԹՅԱՆ
ՀԻՄՆԱԴՐՄԱՆ 75-ՐԴ ՏԱՐԵԴԱՐՁԻՆ**

Երեկոյան ժամը 19.30-ին Վիեննայի բուլղարական մշակութային միության կենտրոնի դահլիճում, Վեհափառ Հայրապետի նախագահությամբ, տեղի է ունենում հանդիսություն՝ նվիրված Հայկական Բարեգործական Ընդհանուր Միության կազմավորման 75-րդ տարեդարձին:

Հանդիսությունը կազմակերպել էր Հ. Բ. Ը. Միության Վիեննայի մասնաճյուղը:

Բացման խոսքով հանդես է գալիս Արթուր Մելիք-Ջհանջյանը:

Հ. Բ. Ը. Միության 75-ամյա գործունեության մասին բովանդակալից գեկուցումներով ելույթ են ունենում Կենտրոնական Եվրոպայի հայրապետական պատվիրակ Տ. Մեսրոպ Ծ. վրդ. Գրիգորյանը և ինժեներ Վալթերաուն Թորոսյանը:

Երեկոյի ընթացքում գործադրվում է նաև գեղարվեստական մի հայտագիր:

Երգչուհի Լենա Քյուրքճյանը, նվագակցությամբ դաշնակահարուհի Ժալիտ Մարգարյանի, կատարում է Կոմիտաս վարդապետի «Չինար ես» և Ալ. Հարությունյանի «Երգիր ինձ համար» ստեղծագործությունները:

Աշոտ Սաթյանի «Արդյոք գիտե՞ս դու» և Ալեմշահի «Իմ երգ» ստեղծագործությունները կատարում է երգչուհի Ալինա Հովհաննիսյանը՝ նվագակցությամբ դաշնակահարուհի Սոֆի Ռախլինի:

Գեղարվեստական բաժինը եզրափակում է բուլղարահայ ճանաչված դաշնակահարուհի Էմմա Թահմիզյանը, որը հանդես է գալիս Բեթովենի, Արամ Խաչատրյանի և Աբրահամյանի մի շարք ստեղծագործությունների կատարմամբ՝ յուրահատուկ և փայլուն մեկնաբանմամբ:

Հանդիսության վերջում օրհնության իր խոսքն է ասում Ամենայն Հայոց Վեհափառ Հայրապետը:

Նորին Սրբությունը սիրո և գնահատանքի ողջույն և օրհնություն է տալիս Հ. Բ. Ը. Միության տեղական մասնաճյուղի ղեկավարներին և անդամներին:

«Հայ Եկեղեցու սրտին մոտ է Հ. Բ. Ը. Միությունը,—նշում է Վեհափառ Հայրապետը իր ելույթում,—և պատահական չէ, որ այն միշտ էլ արժանի է եղել Ամենայն Հայոց կաթողիկոսների օրհնությանն ու գնահատանքին և հայ ժողովրդի բարոյական, նյութական աջակցությանը»:

Հորեղանական երեկոն ավարտվում է Վեհափառ Հայրապետի «Պահպանիչ»-ով և խմբովին արտասանված «Հայր մեր»-ով:

**ՀԱՅՐԱՊԵՏԱԿԱՆ Ս. ՊԱՏԱՐԱԳ ԵՎ ՔԱՐՈՋ
ՎԻԵՆԱՅԻ ՀԱՅՈՑ Ս. ՀՈՒՓՈՒՄԵ ԵՎԵՂԵՑՈՒՄ**

Ապրիլի 26-ին, կիրակի: Կրկնագատիկ (Նոր Կիրակի).

Այսօր, առավոտյան ժամը 11-ին, Վիեննայի հայոց Ս. Հովհաննես եկեղեցում հանդիսավոր ա. պատարագ է մատուցում Ամենայն Հայոց Վեհափառ Հայրապետը:

Ս. խորանում Վեհափառ Հայրապետին սպասարկում են Տ. Նարեկ եպս. Ծաքարյանը, Տ. Մեսրոպ ծ. վրդ. Գրիգորյանը և Տ. Արել ու Տ. Զատիկ արք. դաները:

Ս. պատարագի դպրաց դասի երգեցողությունը կատարում է եկեղեցու նորակազմ քառածայն երգչախումբը:

Ս. պատարագին ներկա էին կարդինալ Ֆրանց Քյունիգը, քույր Եկեղեցիների մեծ թվով բարձրաստիճանի հոգևորականներ և բազմահարյուր վիեննաբնակ հայ հավատացյալներ:

«Հայր մեր»-ից առաջ ներկա ժողովրդին օրհնության Իր խոսքն է ասում Վեհափառ Հայրապետը:

ՀԱՄԱՅՆՔԱՅԻՆ ՃԱՇԿԵՐՈՒՅԹ՝ Ի ՊԱՏԻՎ ՎԵՀԱՓԱՌ ՀԱՅՐԱՊԵՏԻ

Կեսօրից հետո, ժամը 14-ին, Վիեննայի Եկեղեցական Վարչությունը «Ինտեր-Վոնտիեննալ» հյուրանոցի ճաշարահում, ի պատիվ Հայոց Հայրապետի, կազմակերպել էր համայնքային ընդունելություն, որին ներկա էին շուրջ 350 հրավիրյալներ, այդ թվում նաև՝ մեծ թվով օտար հոգևորական և աշխարհական պաշտոնական անձինք:

Սեղանի շուրջ առաջինը Վեհափառ Հայրապետի ներկայությունը ողջունում է Վիեննայի Եկեղեցական Վարչության ստեղծապետ պրն. Աստիկ Աստվածատուրյանը և առաջարկում, որ բոլորը հոռոնկայս բաժակ բարձրացնեն Նորին Սրբության կենաց արևշատության և Նրա եկեղեցաշեն ու ազգօգուտ ծրագրերի հետագա հաջողության համար:

Ընդունելության ժամանակ վիեննաբնակ Անտոնյան ընտանիքը 300.000 ավստրիական շիլլինգի նվիրատվություն է կատարում՝ ստեղծելու մի հիմնադրամ, որը պետք է ծառայի վիեննացի հայ մանուկների հաշվի և քրիստոնեական դաստիարակության գործին:

Ընդունելության վերջում օրհնության խոսքով հանդես է գալիս Վեհափառ Հայրապետը՝ շեշտելով, որ Աստուծո օրհնությամբ մեր ժողովուրդը կա, ապրում է, աճում է, զարգանում ու բազմանում և՛ Հայաստանի, և՛ արտասահմանի մեջ: Հայաստանյայց Եկեղեցին երջանիկ է՝ իր օրհնությունը և հովանին տարածելու համայն հայության վրա, որպեսզի մայր հայրենիքի և ափսոսքի հայությունը, ձեռք-ձեռքի տված, իրականացնի մեր ազգային բոլոր երազանքները:

Իր խոսքի ավարտին Վեհափառ Հայրապետը «Ս. Գրիգոր Լուսավորիչ» առաջին կարգի շքանշանով պարգևատրում է Մայր Աթոռի բարերար տիար Ազատ Վարդյանին և օրհնության ու զնահատանքի կոնդակ հանձնում պրն. Արամ Ութունյանին՝ նրանց ազգանվեր ծառայությունների համար՝ ի պաշտոնություն Մայր Աթոռ Ս. Էջմիածնի:

Համայնքային ընդունելությունն ավարտվում է Վեհափառ Հայրապետի «Պահպանիչ»-ով:



ՎԻԵՆՆԱՅԻ ՍՈՒՐԲ ԱՏԵՓԱՆՈՍ ՄԱՅՐ ՏԱԺԱՐՈՒՄ

**ՀԱՅՈՑ ՀԱՅՐԱՊԵՏԻ ՔԱՐՈՋԸ
ՎԻԵՆՆԱՅԻ Ս. ՍՏԵՓԱՆՈՍ ՄԱՅՐ ՏԱԾԱՐՈՒՄ**

Նույն օրը, երեկոյան ժամը 18-ին, Հայոց Հայրապետը Վիեննայի Ս. Ստեփանոս պատմական, հռչակերտ Մայր տաճարում ներկա է լինում կաթոլիկ և պատարագի արարողությանը՝ հրավերովը նույն եկեղեցու ավագերեց Յախիմ եպիսկոպոսի, որը և մատուցում է օրվա պատարագը:

Ս. պատարագին ներկա էին նաև քույր Եկեղեցիների բազմաթիվ ներկայացուցիչներ և ավելի քան հինգ հազար հայ և ավստրիացի հավատացյալներ:

Ս. պատարագի ընթացքում գերմաներեն լեզվով քարոզ է խոսում Հայոց Հայրապետը (Հիշյալ քարոզը տես «Էջմիածին» ամսագրի սույն համարում, էջ 18):

**ԸՆԴՈՒՆԵԼՈՒԹՅՈՒՆ ԿՐԹԱԿԱՆ ԵՎ ՄՇԱԿՈՒԹԱՅԻՆ
ՆԱԽԱՐԱՐՈՒԹՅՈՒՆՈՒՄ**

Ապրիլի 27-ին, երկուշաբթի օրը, առավոտյան ժամը 9.30-ին, Ավստրիայի կրթական և մշակութային նախարարությունը, մինիստր դոկտ. Սիմովացի հրավերով, կազմակերպում է ընդունելություն՝ ի պատիվ Հայոց Հայրապետի:

Նորին Սրբության և հարգարժան պարոն մինիստրի միջև տեղի է ունենում ջերմ զրույց՝ բարեկամական մթնոլորտում:

ԱՅՑԵԼՈՒԹՅՈՒՆ ՍՈՎԵՏԱԿԱՆ ԴԵՍՊԱՆԱՏՈՒՆ

Նույն օրը, ժամը 11-ին, Հայոց Հայրապետը պաշտոնական այցելություն է տալիս սովետական դեսպանատուն, որտեղ հանդիպում է ունենում Ավստրիայի Հանրապետությունում Սովետական Միության արտակարգ և լիազոր դեսպան պրն. Եֆրեմովի հետ:

Նորին Սրբության և մեծահարգ պարոն դեսպանի միջև տեղի է ունենում ջերմ զրույց՝ բարեկամական մթնոլորտում:

*
* *

Կեսօրվա ժամը 12-ին Վեհափառ Հայրապետը այցելում է Ավստրիայի Կայսերական պալատի գանձարան՝ դիտելու համար տեղի արժեքավոր թանգարանային ցուցանմուշները:

*
* *

Ժամը 13.30-ին Վեհափառ Հայրապետը հյուրանոցի Իր հարկաբաժնում ընդունում է այցելությունը Վիեննայի Մխիթարյան միաբանության արքանայր հայր Գրիգորիս Մանյանի:

*
* *

Ապրիլի 28-ին, երեքշաբթի: Այսօր, երեկոյան, Վեհափառ Հայրապետը Ավստրիայի կրթական և մշակութային նախարարության հրավերով Վիեն-

ճալի օպերայի դափնիմում ներկա է լինում Վազանի «Թռչող Հովանդացին» ներկայացմանը:

*
*
*

Ապրիլի 29-ին, չորեքշաբթի: Կեսօրվա ժամը 12-ին Ավստրիայի գիտությունների ակադեմիայի պրեզիդենտ պրոֆ. Հանգերը կազմակերպում է ընդունելություն՝ ի պատիվ Հայոց Հայրապետի:

Հայոց Հայրապետի և գիտությունների ակադեմիայի պարոն պրեզիդենտի միջև շուրջ կես ժամ տեղի է ունենում բարեկամական ջերմ գրույց:

*
*
*

Նույն օրը, երեկոյան ժամը 20-ին, «Պրո Օրիենտե» կազմակերպությունը Վիեննայի «Ջախար» հյուրանոցի սրահում կազմակերպում է ողջերթի ճաշկերույթ՝ ի պատիվ Հայոց Հայրապետի: Ծաշկերույթին ներկա էին մասնավորապես «Պրո Օրիենտե»-ի մի շարք հոգևորական և աշխարհական անդամներ:

Սեղանի շուրջ Հայոց Հայրապետի շնորհաբեր ներկայությունը ողջունում և բարի ճանապարհ է մաղթում «Պրո Օրիենտե»-ի նախագահ դոկտ. Փիֆֆըլ Պերչևիչը և բաժակ բարձրացնում Հայոց Հայրապետի կենաց արևշատության համար:

Ընդունելության վերջում խոսք է առնում Հայոց Հայրապետը: Նորին Սրբությունը հայտնում է Իր շնորհակալությունը՝ ուրախության քաղնաթիվ պահեր ապրած լինելու համար Վիեննայում, «Պրո Օրիենտե»-ի կազմակերպած հանդիսությունների առթիվ: Վեհափառ Հայրապետը գոհունակությամբ հաստատում է, թե այս վերջին տասնամյակներին Հայ Եկեղեցին ավելի ու ավելի ջերմ հարաբերություններ է մշակում քույր Եկեղեցիների հետ Էկումենիկ ոգով և այդպես էլ շարունակելու է հետապնդել, Եկեղեցիների Միության իդեալի իրականացման տեսիլքով: «Հույս ունենք, — առաջ Նորին Սրբությունը, — որ այս ճանապարհի վրա միացյալ ճիգերով Եկեղեցիները պիտի կարողանան որդեգրել բանաձևումներ և սկզբունքներ, որոնք ընդունելի և գործադրելի լինեն բոլորի համար՝ ամեն Եկեղեցի պահելով իր պատմական և իրավական ինքնությունը»:

Հայոց Հայրապետը, հայտնելով Իր լավատեսությունը ապագայի նկատմամբ, ասում է. «Էկումենիկ շարժումը մի ճանապարհ է քացել, որով կարող ենք միմիայն առաջ ընթանալ: Թող Աստված օրհնե և օգնե մեր գործերին և մանավանդ լուսավորե մեր ճանապարհը այժմ և հավիտյան, ամեն»:

Հայոց Հայրապետի պատվին կազմակերպված ջերմ ընդունելությունն ավարտվում է Նորին Սրբության գոհաբանական մաղթանքով:

ՎԵՀԱՓԱՌ ՀԱՅՐԱՊԵՏԻ ՀԱՆԴԻՊՈՒՄԸ ՎԻԵՆՆԱՀԱՅ ՌԻՍԱՆՈՂԱԿԱՆ ԵՎ ԵՐԻՏՆԱՍԱՐԴԱԿԱՆ ՄԻՈՒԹՅԱՆ ԱՆԴԱՄՆԵՐԻ ՀԵՏ

Ապրիլի 30-ին, հինգշաբթի օրը, վիեննահայ ուսանողական և երիտասարդական միությունը, հայոց եկեղեցուն կից սրահում, կազմակերպում է հանդիպում Ամենայն Հայոց Վեհափառ Հայրապետի հետ:

Հանդիպմանը ներկա էին ավելի քան հարյուր անդամ-անդամուհիներ:

Հանդիպման ընթացքում, հանուն ուսանողական և երիտասարդական միության, Վեհափառ Հայրապետին ուղղյալ ողջույնի հետևյալ խոսքն է արտասանում ստենապետ Նազարեթ Պողոսյանը:

«Վեհափառ Տեր,

Վիեննայի հայ ուսանողական և երիտասարդական միության համար մեծ երջանկություն է, երբ Ձերդ Սրբությունը Իր թանկագին ժամանակեն բաժին հանելով հնախավորություն շնորհեց մեզ, այստեղ ներկայանալ և մեր որդիական խոնարհ հարգանքները մատուցել: Մեր երիտասարդությունը հեռվեն մեծ հիացումով և ակնածանք ներշնչվում է Ձերդ Սրբության բազմապիսի արժանիքներեն և դեպի Սուրբ Էջմիածինը, հայրենիքի և սփյուռքի հայության հանդեպ ունեցած Ձերդ Վեհափառության անմահն նվիրումեն:

Վիեննայի հայ ուսանողական և երիտասարդական բոլոր անդամների կողմից կհայցեն Ձերդ Վեհափառության օրհնությունները և աղոթքները, որպեսզի այս օտար, բայց հյուրընկալ հողի վրա հայ մնանք, հոգով և սրբտով, հարգենք մեր ազգային ավանդությունները, մնանք հավատարիմ զավակներ Հայաստանյայց Առաքելական Սուրբ Եկեղեցիին:

Օրհնեցեք մեզ, Վեհափառ Տեր»:

Այնուհետև գործադրության է դրվում գեղարվեստական մի ծրագիր, որի ընթացքում օրիորդ Ծողիկ Մարտիրոսյանը հուզումով արտասանում է Ավ. Իսահակյանի «Հայաստանին» բանաստեղծությունը: Դաշնակահար Ավո Գույումջյանը կատարում է «Վաղարշապատի պար» ստեղծագործությունը: Իսկ ավստրիացի Անդրեաս Բենցը կատարում է «Հայ ժողովրդին» ձոնված իր բանաստեղծությունը:

Ապա, խոսք առնելով, պրն. Կարպիս Փափազյանը Վեհափառ Հայրապետին է ներկայացնում ճարտարապետ Ռազմիկ Հարությունյանի նախագծած, Վիեննայի Ս. Հովհաննես եկեղեցու բակում կառուցվելիք Եղեռնի հուշարձանի մանրակերտը (Հեղինակ՝ Էդի Թոքմաքջյան):

Երեկոյի վերջում օրհնության Իր խոսքն է ասում Վեհափառ Հայրապետը և մաղթում, որ հայ երիտասարդության հոգում միշտ վառ պահվեն ազգային սրբություններն ու դրանց պահպանմանն նպաստելու կենդանի գիտակցությունը:

Ապա Նորին Սրբությունը սիրով պատասխանում է հայ երիտասարդների տված մի շարք հարցերին:

Սույն հանդիպումը հայ երիտասարդների ազգային գիտակցական կյանքի համար մի նոր ոգևորիչ և մնայուն ազդակ հանդիսացավ:

